

Language

Poems for study

Please let us ken whit poems/poets ye hae yaissed wi maist success.

Tap o oor list is onything produced by *Itchy Coo* writers. See www.itchy-coo.com

A guid collection o Poetry and prose is tae be fund in *The Kist* (LTS)

If ony o yer bairns wad like tae write a poem aboot their pet(s), here is ane tae get them stairtit.

Ma Cat

Ah am a richt hard-workin cat,
Aye thrang aboot the hoose;
But Ah cudna be a guard-cat,
Or catch a wee bit moose.
Ah cudna be a mystery,
Like that weel-kent cat Macavity –
But Ah'm a verra maister
O the force that's kent as gravity.

Noo scientists will tell ye
That things jist float in space,
And gravity's for keepin
Awthing in its place;
But it taks a cat o mense tae ken
Whan ye maun hae a care,
For every noo and then Ah doot
That gravity's nae there.

Oor sittin room is bonny
Wi picters on the wa.
The airm-chairs are guid and saft,
Wi cushions big and sma –
And it's my job tae mak richt sure
They dinnae flee awa.

The bedroom is a quate place,
Ye cannae hear a soon,
And lyin on the pillow
Is the wifie's nichtie-goon
And it's my job tae sit on it
Tae keep it hauden doon.

I am a richt hard-workin cat.
For echteen oors a day
Ah bide curled up wi steekit een
And neither eat nor play –
A gey hard-tyauvin darger

Aye deep in meditation,
Thinkin o a wey tae end
The curse o levitation.

Poems by bairns

We wad be affae pleased tae pit them on the wab. Please send them in.

Prose for study

Keep an eye on www.itchy-coo.com

Whit wad ye recommend? Let us ken and we'll pass it on.

Prose by bairns

We wad be affae pleased tae pit bairns' scrieving on the wab. Please send them in.

Scrievin exercises

Comin suin.

Whaur words come fae

Comin suin.